

Naqqiut

Siunnersuut 21. august 2009-mi ullulerneqartoq taarserpaa

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata allanngortinnissaa pillugu Inatsisartunut siunnersuut.

(Qimminik qimuttoqarfinnik killilersuineq, qimminik angalaannartunik taarsiiviginertaqanngitsumik toqutsisarneq, qimmininngaanniit ajoqusertissimanermik akisussaaffeqarneq kiisalu tuloriaajaanermut inerteqqut).

Tunngavigisaq:

Qimmit qimuttut kiisalu qimmeqarneq qitsuuteqarnerlu pillugit inatsisartut inatsisaata allanngortinnissaa pillugu (Qimminik qimuttoqarfinnik killilersuineq, qimminik angalaannartunik taarsiiviginertaqanngitsumik toqutsisarneq, qimmininngaanniit ajoqusertissimanermik akisussaaffeqarneq kiisalu tuloriaajaanermut inerteqqut) Inatsisartut peqqussutaannut nr. xx-imut xx.xx.2009-meersumut siunnersuummik Naalakkersuisut tunniussaqareernerisa kingorna Inatsisartuni siulersuisoqarfiup 25. august 2009-mi oqaatsimut "Inatsisartut"-nut oqaatsini atugassatut nutaaq tamanut saqqummiussimavaat. Tamatuma kingunerisaani peqqussummut siunnersuummi tamarmi, ilanngullugit oqaaseqaataasut qallunaatoortaani oqaatsit "Inatsisartuts lov" allanngortinneqarput imatut: "Inatsisartutlov".

Kingornatigut Inatsisisssanik Naliliisuisarfiup, Inatsisartut Allattoqarfianiittup oqaaseqaatigisaanik aallaaveqartunik makkuninnga naqqiissuteqartoqarpooq:

- Ulloq xx.yy allanngortinneqarpoq 21. august 2009-mut.
- § 28, imm. 2-mi „10, imm. 3 aamma § 11, imm. 2“ peerneqarpoq. Allannguutigaa: § 28, imm. 2-mi „10, imm. 3“ aamma „11, imm. 2“ peerneqarput.
- Inatsisartut inatsisaanni tamarmi „Landsstyret“ „Naalakkersuisut“-nut allanngortinneqarpoq.
- Inatsit tamanna 1. oktober 2009-mit atuutilerpoq. Allanngortissaaq imatut: Inatsit tamanna 1. januar 2010-mi atuutilerpoq.

Taamaalluni qimmit qimuttut kiisalu qimmeqarneq qitsuuteqarnerlu pillugit inatsisartut inatsisaata allanngortinnissaa pillugu (Qimminik qimuttoqarfinnik killilersuineq, qimminik angalaannartunik taarsiiviginertaqanngitsumik toqutsisarneq, qimmininngaanniit ajoqusertissimanermik akisussaaffeqarneq kiisalu tuloriaajaanermut inerteqqut) xx.xx. 2009-meersoq pillugu inatsisartut inatsisaat nr. xx-imut maannakkut siunnersuutaasup siusinnerusukkut 21. august 2009-mi siunnersuut tunniunneqareersimasooq taarserpaa.

Namminersorlutik Oqartussat, 9. september 2009

Siunnersuut uunga: Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaannut allannguut nr. Xx, xx 2009-imeersoq.

(Qimminik qimuttoqarfinnik killersuineq, qimminik angalaannartunik taarsiiviginertaqanngitsumik toqutsisarneq, qimmininngaanniit ajoqusertissimanermik akisussaaffeqarneq kiisalu tuloriaajaarnermut inerteqput).

§ 1

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-ineersumut tulleriinnik allannguisoqassaaq:

1. § 3 imatut oqaasertaliorneqassaaq:

“§ 3. Qimminik qimuttoqarfittut paasisariaqartoq tassa uani inatsimmi piffimmi Kitaata sineriaani allonnusap sanimukartup 66.-ata avannaani, Kalaallit Nunaata Avannani, Tunulu tamaat Nunap Isua tikillugu allorniusap tukimukartup 44-p kangiani.”

2. § 9, imm. 3, naggat siulleq imatut oqaasertaliorneqassaaq:

“Qimmit angalaannartut, inunnik allanik ulorianartorsiortitsisinhaasut, piginnittumut taarsiivigininnissamik akisussaaffeqanngitsumik toqunneqarsinnaapput.”

3. § 10-mi imm. 3 atorunnaassaaq.

4. § 11 atorunnaassaaq.

5. § 18-imi, imm. 4 “erlippaat” “kigutinut” allanngussaaq.

6. § 24-imi, imm. 2, 3-lu aamma § 25, imm. 3 “Avatangiisutin Pinngortitamullu Pisortaqarfik, uumasunut Nakorsaqarfius Immikkoortortaqarfianiit” “Naalakkersuisut” allangussaaq.

7. § 28-imi, imm. 2-mi “§10, imm. 3” aamma “§ 11, imm. 2” peerneqarput.

§ 2

Inatsisartut inatsisaat atutilissaaq ulloq 1. januar 2010

Kalaallit Nunaanni Namminersorlutik Oqartussat, ulloq 21. august 2009

Kuupik Kleist

/

Ove Karl Berthelsen